

現代生活藝術系列

華嚴經疏論纂要 12

— 如來現相品之一 —

華藏淨宗學會印贈

大方廣佛華嚴經疏論纂要卷第十二

五臺山清涼國師澄觀疏鈔

太原方山長者李通玄 論

閩鼓山私淑比丘道霈纂要

如來現相品第二之一

○將釋此品。四門分別。一來意。二釋名。三宗趣。四釋文。然下諸品。多用此四。若有增減。至文當辨。

今初來意

〔疏〕來意中。二先分來。後品來。今初三分之中。自下正宗。由致既彰。正宗宜顯。故次來也。四分之中。已

明教起因緣。次辨說法儀式。故次來也。二品來者。曲有二義。一前辨眾集。今顯疑現相。二前明舊眾。今辨新集。故次來也。鈔四分。即舉果勸樂生信等。四分以四分科。第一會名舉果勸樂生信。分六品。分三。初品明教起因緣。分二。品明說法儀式。分後三品。正陳法海。分初。分已竟。次有說法儀式。二品經來。此是四分科中。第一分內。三分之中。第二分來。舉其大科。故云四分之中。對前序正流通三故。

○二釋名

〔疏〕釋名者。一分名正宗者。正陳宗旨。揀序流通。若四分中。名舉果勸樂生信者。舉依正果勸物信樂。是故亦名所信因果。亦名說佛依果會。以從多說。

故鈔以從多說者。此通妨難。然有二妨。一云以文從義。科中名所信因果。經中復有遮那品。因何以問答相屬科中。但名舉果勸樂生信分。隨其本會科中。但名說佛依果會耶。故此答云。以多說果以因少故。如河少水。亦名無水。如乳有水。但名爲乳。勸物信樂。宜舉果故。第二妨云。上云舉佛依正。二果勸物信樂。何故隨會。但云說佛依果會耶。故此答云。多說依果少說正故。亦以本意在於依果。正報之果。第二品名者。如來是能現之人。相是會去。方始說故。二品名者。如來是能現之人。相是所現之法。現通能所。能所合說。體用雙陳。以立其稱。然如來現相。各有五義。以成其十。如來五者。一就理顯。謂法性名如。出障名來。二唯就行。瑜伽云。言無虛妄。故名如來。涅槃三十二。亦同此說。三理智合說。轉法輪論云。第一義諦名如。正覺名來。正

覺第一義諦。故名如來。此與成實大同。四離相說。般若云。如來者。無所從來。亦無所去。故名如來。五融攝說。謂一如無二如。若理若智。若開若合。無不皆如。故名爲如。如外無法。來亦卽如。如是來者。是真如來。現相五者。一現面門光相。召十方衆。二現眷間光相。示說法王。三振動刹網。以警羣機。四佛前現華表。說依果。五白毫出衆。表教從佛流。如是等相。是如來現相。品中辨此。故以爲名。

○三宗趣

〔疏〕宗趣亦二。一分宗。二分正宗。已如上說。四分之

宗。卽以佛果無邊利海具三世間無盡自在。故以爲宗。令諸菩薩生淨信修行涉求以之爲趣。二品宗者。以光相表示爲宗。令上智玄悟爲趣。鈔卽以然華藏品。猶自有邊。有金輪山蓮華外故。此外更有別利海故。而彼文云。法界無差別。已無邊矣。況世界成就品云。十方利海。叵思議。佛無量劫。皆嚴淨。爲化衆生。使成熟。出興一切諸國土。又偈中云。所說無邊衆利海。毘盧遮那悉嚴淨。世尊境界不思議。智慧神通力如是。則利無邊矣。具三世間者。無邊利海。卽器世間。毘盧徧興。卽智正覺。利網所持。如來所化。卽衆生世間。言自在者。三種世間。互相卽入。隱顯重重。皆無礙故。華藏世界。所有塵。一一塵中見法界。寶光現佛如雲集。此是如來利自在。故無盡之義。卽是無邊。况三皆無盡。

**論釋此一品義分爲三。一釋品名目。二釋品來意。**

三隨文釋義釋品名目者。此品何故名現相品。爲諸菩薩神天衆皆悉已集。嘿思心念請法。問有三十七問。如來知念。卽於面門舒光現相。及集十方衆。答前所問。此品之內。如來兩度放光。齒光告衆。令集毫光示法。令信佛境界。及所行因果行門。又諸來菩薩毛孔放光。通爲三度放光故。又集十方衆。海佛境界相。菩薩境界相。答前衆所問。故名現相品。此經表法及集衆。如來放光。前後總十度放光故。一。面門齒光。集他方之衆。二。耆闍毫光。示果成因。三。足下輪中放光。成十信。四。帝釋宮中足指

端放光。集衆入道。成十住位。五夜摩天宮。足踏上放光。成十行門。六兜率天宮。膝上放光。成十迴向。七他化天宮。眉間毫相放光。成十地。八如來出現品。眉間放光。入文殊頂。九口中放光。入普賢口。令此二人。問答如來出現始終因果道理。十法界品中。放眉間光。名普照三世法界門。是爲十。如隨好光明功德品。常放光明。隨根普照。此光非獨緣五位進修表法也。是常依根攝化光也。二釋品來意者。此品爲前世間主等默念三十七問。此品放光集衆。示其法相。答前衆所問三十七法。此品故來。



三隨文釋義者。復分爲二。一長科經意。二科其當品。一長科經意者。自此現相品。乃至普賢三昧品。世界成就品。華藏世界品。毘盧遮那品。此五品經。總是答前三十七問。明舉果勸修分。二科其當品者。於此當品。其意有四。如文具明。

○四釋文。此下二品。說法儀式。是當分方便。卽分爲二。初現相品爲遠方便。後三昧品爲近方便。今初一品。大分爲六。一衆海同請。二光召有緣。三衆召雲奔。四現瑞表法。五稱揚佛德。六結通無窮。今初。先以五門。料揀諸會請問之殊。次正。

釋文。初五問者。一問之有無。二所問法異。三能問人別。四儀式不同。五疑之權實。初中。前二後二。此四會有問。中間五會皆無。謂初會標果起。因故問。第二會尋因至果故問。但因有升降。寄六會以答之。果無差別。第七當會答也。然諸會更有問者。竝當會別義。以總收之。或重明於前。非大位問。第八會明因果純熟。故須有問。謂行修無礙。六位頓成。故當會答。第九會明稱性因果。故別有問。謂俱入法界無差別故。亦當會答。四處都有二百一十句問。謂初及第二各四十。

問第八二百第九三十。中本廣本。問則難思。二  
所問異者。初兩會問。果廣因畧。爲成信解故。第  
八會問。因廣果畧。爲成行故。第九會問。全同初  
會。而因舉主佛之因。明因是果因。顯唯證故。三  
能問人異者。初及第九。皆同生異生。二衆齊問。  
以所問法。衆同依故。第二會中。唯同生問。以所  
入位。同生勝故。八唯同生一人自問。以造修之  
行。各自成故。四請問儀式。復有二義。一約言念。  
二約通別。初中請有二種。一言。一念。答亦有二。  
一言答。二示相。交絡相望。應成九句。在文唯四。

初會之中。具二問答。謂現相品。長行念請。俱聲  
 言請。初光示法王。現華表義。現眾表教。卽示相  
 答。二昧品中。以言重請。下之三品。亦以言答。第  
 二會唯念請。如來示。相答。菩薩言說答。佛心自  
 在。不待興言。佛力殊勝。現相能答。第八會。言請  
 言答。此顯菩薩不同佛故。第九會念請。示相答。  
 顯以心傳心。唯證相應。離言說故。二通別者。初  
 後二會別問通答。二八兩會別問別答。又初會  
 亦得是別問別答。次文當明。鈔交絡相望者。一  
 言請。言答。二言請。言  
 示相答。三念請。言答。四念請。示相答。五言請。言  
 及示相答。六念請。言及示相答。七言念請。言答。

八言念請。示相答。九言念請。言說示相答。初四  
以單望單。次二以單問對複答。次二以複問對  
單答。後一複問複答。今會正當第九。第二會即  
第六句。第八會即第一句。第九會即第四句。已  
第五疑之權實者。問諸王菩薩。位皆圓極。何得  
有疑。有云。爲衆生疑故。有云。希佛果故。又顯因  
果懸隔故。然上二解。初權後實。竝皆有理。可通  
餘教。然此經中。若實若權。無非法界之疑。以疑  
爲有力。與所說證爲緣起故。此事舊爾。海印頓  
現疑之與答。念念常疑。念念常斷。其猶像模。因  
模之高。成像之下。因模之下。成像之高。緣起法  
界。理應爾故。然此經中。下申正義。非斥權實爲  
不當理。但成緣起。有異昔人言此。

事舊爾者法界之中法爾有此疑與答故海印  
頓現者疑之與答皆佛現故由上二義故疑答  
皆常其猶像模者假以喻顯以模喻  
疑以像喻答像因模有答假疑成

○次正釋文文分二別先長行念請後供聲偈請  
今初文二先舉人標念

爾時諸菩薩及一切世間王作是思惟

疏謂盡於衆海皆希佛境並欲利生成緣起門故

標同念鈔皆希佛境卽上實疑並欲利生  
卽是權疑成緣起門卽是正義

○二云何下正顯問端有四十句且分二別前二  
十句直爾疑念請後二十句引例舉法請準義  
二文皆應具舉互有影畧不欲繁辭故下偈中

更不引例。合二處文。直爾請說。第二會中。亦有

此二。而引例中間。同此直請。正欲顯於諸佛道

同。影畧之義。問正欲顯下。結成上義。既引例直

知文影畧。所以要此二。勢問者。直請以尊主佛。引例為顯道同故也。又四十句中。

初二十句問果。後十問因。中間十句明化用。普

周。通問。依正染淨因果。前是所求。後是所行。中

是所知。故分是舉果。故先問果。分是舉果下。通妨對上。言因是

所行。理合在前。故今答云。分是舉果。故先問果。據斯義類。亦可

分三。今以兩段皆有結請。故但分二。前中亦二。

先正疑念。後明結請。今初前十句。問德用圓滿。

後十句問體相顯著。今初十句文唯有八偈。有神通及自在二問。世界成就品。初答中亦同此有。今文闕者。或是脫漏。或是義含無能攝取之中。攝此二故。故下法界品中闕無能攝取及與神通。唯有自在。故此三事合則可一。開則爲三。故出没不同。

### 云何是諸佛地

疏初佛地者。卽智德分位。卽智德者。正是出體。非斷德故。言分位者。便彰地義。然此經宗。通收萬德。故廣則無量。畧有十種。如上所引同性經說。然體不出五。謂清淨法界及



與四智。以斯五法說大覺性。具如佛地經。及彼論說。然要唯有二。無所不攝。謂眞理。妙智。融而無二。是諸佛地。竝有生成。任持功能。故名爲地。釋名有二。一能生萬德。二成熟自他。三任持萬德。萬德依住故。如下十地中明。此句爲總。該攝諸德。下明佛果。皆答斯問。

云何是諸佛境界

**疏**二佛境界下諸句。皆別明佛地之德。言境界者。悲智所緣故。亦分齊故。廣亦無量。畧有十種。如出現。及問明。不思議品。廣說。

云何是諸佛加持

疏三佛加持者。謂佛勝力任持。令有所作。廣亦無量。畧有十種。如不思議法品及法雲地說。離世間中。十種佛所攝持。亦其例也。然不出三類。一如加持化身及舍利等。二如加耆域入火不燒等。三如加非情作佛事等。此與神通寬陘不同。謂六通中。唯神境一。有加持故。今此加持卽是神力。鈔一。如者。如此類甚多。謂化現多身。隨所樂見。碎身舍利。一與供養。千。迤。生天。全。身。舍利。如。多。寶。佛。卽。是。如。來。力。持。身。也。如。出。現。品。醫。王。畱。身。喻。等。二。如。加。耆。域。者。卽。涅。槃。第。三。十。南。經。二。十。八。經。云。我。於。爾。時。往。瞻。婆。城。中。時。彼。城。中。有。大。長。者。無。有。繼。嗣。供。事。六。師。以。求。子。息。於。後。不。久。其。婦。懷。孕。長。者。知。已。在。六。師。所。歡。喜。而。言。我。婦。懷。孕。男。耶。女。耶。六。師。答。言。必。是。其。女。長。者。聞。已。心。生。愁。惱。長。者。卽。至。佛。所。問。

佛言。世尊。我婦懷孕。六師相言。生必是女。是事云何。佛言。長者。汝婦懷孕。是男無疑。其兒生已。福德無比。六師聞已。心生嫉妬。乃以菴羅果。和合毒藥。授其長者。令其妻服。語云。若服此藥。兒則端正。產者無患。服已。便成。送至城外。以火焚之。如來知之。便往塚間。長者難言。所言無二。可名世尊。母已終亡。云何生子。我言。長者。汝於爾時。都不見問。母命長短。但問所懷。為是男女。諸佛如來。發言無二。是故當知。定必得子。是時。成屍。火焚。腹裂。子從中出。端坐火中。猶如鴛鴦。處蓮華臺。我於爾時。尋告耆婆。汝往火中。抱是兒來。六師止之。耆婆言。如來使我入阿鼻地獄。所有猛火。尚不能燒。況世間火。爾時耆婆。前入火聚。猶入清涼大河水中。抱持是兒。還詣我所。授兒與我。受兒已。告長者言。一切衆生。壽命不定。如水。上泡。衆生若有重業。果報。火不能燒。毒不能害。是兒業報。非我所作。長者請佛立字。佛言。是兒生於猛火之中。火名樹提。應名樹提。爾時會中。見我神化。無量衆生。發阿耨多羅三藐三菩提心。故云。如耆婆所入火之言。兼於二事。一如向緣。二如耆婆所言。佛令入阿鼻地獄。

猛火不燒。復有一緣。卽令入地獄。問提婆達多事也。

### 云何是諸佛所行

〔疏〕四所行者。是佛所作。或說十種。如不思議品云。諸佛世尊。有十種化不失時等。亦是所行之行。如出現品。謂無礙行。是如來行等。或大悲攝生。或大智造緣。無思成事。方便善巧所作究竟。皆名爲行云何是諸佛力。

〔疏〕五佛力者。卽佛大力自在。廣有無量。畧說有十。卽處非處等。又有十種。謂廣大力等。如不思議品云何是諸佛無所畏。

〔疏〕六無畏者。無諸畏懼故。離世間品說。有十種無畏。或說四種。如常所明。昔云。前四是異二乘功德。佛力是破魔功德。無畏是伏外道功德。未必全爾。十力無畏。亦不共二乘故。然上來多明大智功德。

### 云何是諸佛三昧

〔疏〕七佛三昧者。謂佛果等持數過塵算。如師子嚩呻等。畧說十種。如不思議品說。佛有無量不思議三昧等。

### 云何是諸佛神通

〔疏〕八準答及頌。名佛神通者。謂依定發起無礙神

用。或說有十。如十通品。不思議品云。一切諸佛有無邊際無礙解脫。示現無盡大神通力。十通唯局菩薩。或說有六。如常所辨。然名通大小。

云何是諸佛自在

[疏]九準答及頌。名佛自在。謂所作任意無礙成就。故廣有無量。或說百種。謂於衆生自在等。各有十。故畧有十種。謂命自在等。並如離世間品說。不思議品亦說有十。謂諸佛世尊。於一切法皆悉自在等。

云何是諸佛無能攝取

〔疏〕十無能攝取者。頌名無能制伏。答中名無能毀壞。謂佛所作。無有天上人中沙門魔梵及諸二乘大菩薩等神力能制。是故舊經翻爲佛勝法也。畧有十種。如不思議品。諸佛有十種最勝法等。若取無能毀壞。卽十種大那羅延幢勇健法是。上之十問。多在不思議品。至下當知。

云何是諸佛眼。云何是諸佛耳。云何是諸佛鼻。云何是諸佛舌。云何是諸佛身。云何是諸佛意。云何是諸佛身光。云何是諸佛光明。云何是諸佛聲。云何是諸佛智。

疏二云何是諸佛眼下十句問體相顯著謂六根  
三業於身業中開常光爲身光放光爲光明故有  
十句不思議法品諸佛有十種法普徧無量無邊  
法界謂無邊際眼等離世間品一一各有十門辨  
釋又出現品說佛三業各具十義然諸經論說佛  
常光一尋準不思議品常妙光明不可說不可說  
種種色相以爲嚴好爲光明藏出生無量圓滿光  
明普照十方無有障礙然放光則有時不放如諸  
會面門毫相所放之類然相海品其一一相常放  
光明斯卽放光亦通常光而分別者常卽湛徧放



則見有去來故

唯願世尊。哀愍我等。開示演說。

〔疏〕二唯願下。結請。將欲引例。故且結請。

○二引例舉法請

又十方世界海一切諸佛。皆爲諸菩薩說世界海。衆生海。法界安立海。佛海。佛波羅蜜海。佛解脫海。佛變化海。佛演說海。佛名號海。佛壽量海。

〔疏〕亦分爲二。初引例。後結請。今初分二。前十句問化用普周。後十句問因德深廣。今初文唯有九闕安立海。一世界海者。是化用處。如華藏品。二衆生

海。是所化機。卽刹中所持。三準答及頌。名法界安  
 立海。如世界成就品。四佛海者。能化主也。如華藏  
 品。廣舉其名。亦如不思議品等。鈔四佛海指不思  
 議等品者。等取相  
海。隨好。皆佛德相  
 用故。是妙覺故。五波羅密者。化所成行。如離世  
 間品。六佛解脫海者。化所得果。如法界品。六如法  
 佛親證入離障解脫  
 及大作用皆解脫故。七佛變化海者。臨機神變化  
 難化衆生。卽身業化也。如諸會不起而徧。光明覺  
 品。長行身業。阿僧祇等。皆是其文。七指僧祇者。僧  
 祇偈頌。廣顯佛  
 德。重重無盡。廣大用故。等卽  
 等於一經上下變化之文。八佛演說海者。稱根  
 說法。語業化也。如四諦品。九佛名號海。隨機立稱

如名號品十佛壽量海者。隨器所感。任世修短。如  
壽量品

及一切菩薩誓願海。一切菩薩發趣海。一切菩薩助  
道海。一切菩薩乘海。一切菩薩行海。一切菩薩出離  
海。一切菩薩神通海。一切菩薩波羅蜜海。一切菩薩  
地海。一切菩薩智海。

〔疏〕二問因德深廣中。一創於生處。立大誓願。二勝  
進大心。趣求佛果。三積集菩提福智資糧。四運諸  
菩薩從因至果。五慈悲喜捨四菩薩行。六謂永背  
業惑。證契真理。餘四可知。然此十句。有通有別。別

則初二寄十信。次二十住。次一十行。次一十向。以  
向出離故。次三登地以上。後一等覺。此約橫論一  
切菩薩。鈔別則下。釋別先以豎釋別。諸位淺深故。  
此約橫論菩薩者。結上別義。約所行位信  
住等異。卽是豎論。約能行人。一位  
中攝多菩薩。故云橫論一切菩薩。若約通說。各  
通始終。卽豎論一切菩薩也。通約所行法。位位同  
人遍歷諸位。皆修此十。故此十句。文通行位。然皆  
卽是豎論一切菩薩。普攝法界。深廣無邊。故云海也。竝如下諸會說  
願佛世尊。亦爲我等如是而說。

疏二結請。既是引例。故致亦言。○此四十句。答文  
在何。問有通局。答亦如之。通卽諸會。與此相應。皆

是答此。上所引者。居然當之。謂前衆海既是九會常隨。豈得此問。局於初會。豈復衆海問不盡耶。故知初會爲總。九會同答此問。而爲分意別。故諸分初皆重舉諸問。則顯分分之中。皆通因果等故。則從此盡光明覺。答十海問。問明已下。答十因問。不思議下。答二十句果。至下當知。鈔疏正明通謂九會通答謂前下立理。此有三理。一衆海常隨。既通九會。問答合通。智深能問。盡故合總。問故以此三理。問答合通。而爲下釋妨。謂前問言。若言衆海問。盡九會。九會同答。何以下文復有三位大問。故爲此通。則顯分分之中。皆通因果者。謂問雖互有廣畧。因果皆足。則是重問耳。四則從下。正示答文。文就四十四問。十海爲總。九會同答十海。一世界成就品答世

界安立海。二華藏品。答世界海。遮那。但引因釋成現相。三昧。但是說法由致。並非別答海問。三名號品。答如來名號海。四四諦品。答演說海。五光明覺。至十忍品。別答十句因問。通答衆生海。修因之人。卽所化生故。六阿僧祇品。答變化海。長行舉數。欲顯化用難量。故偈中廣明變化重重。微細難說。七壽量在處。皆答壽量海。八不思議等五品。別答二十句果問。總明佛海。就德深廣以顯佛故。九第八會。答波羅密海。總攝諸位。皆成行故。十第九會。答解脫海。證入法界起大用故。問中爲次。與答異者。

問約本有修成自行化他而爲次第。謂先有世界衆生。則有佛出。修因得果。故波羅密海是因。解脫是果。餘四皆大用。謂臨機變化隨宜說法。稱物立名。隨物修短。答中先人後己。故大用四海居先。自利果因。二海居後。又衆生一海。亦可通在九海。皆爲生故。種種隨宜。顯生多故。若約局言。當會答盡。此復有二。一現相答。下文當示。二者言說答。此亦有二。一經來未盡。二答二兼餘。成就品當引。若約局言

下第二釋局答問經來未盡者。遮那品後無結束。故若來應具答盡。一答二兼餘者。謂正答安立海及世界兼餘。三十八問故。

○第二一供聲偈請

爾時諸菩薩威神力故於一切供養具雲中自然出音而說頌言

〔疏〕文二先明因緣前請在念佛雖已知今請彰言使大衆同曉前既爲法興供今乃以供宣心不因撫擊故曰自然非無因緣卽菩薩威力同異生衆皆菩薩也又表身口爲供具故供具皆卽法界體故鈔又表身口爲供具者卽解脫和尚歎佛說偈云合掌以爲華身爲供養具善心誠實香讚歎香煙布諸佛聞此香尋聲來相度衆等勤精進終不相疑誤

無量劫中修行滿

菩提樹下成正覺



爲度衆生普現身

如雲充徧盡未來

衆生有疑皆使斷

廣大信解悉令發

無邊際苦普使除

諸佛安樂咸令證

〔疏〕二正說偈中。十頌分二。初二歎德請。後七舉法請。前中亦二。初二歎佛。明具說因。後一歎衆。明具說緣。今初也。前偈卽悲之智已滿。爲物現身。後偈卽智之悲已圓。能斷疑除苦。有悲必普。有智必能。故應說也。

菩薩無數等刹塵

俱來此會同瞻仰

願隨其意所應受

演說妙法除疑惑

〔疏〕後一歎衆請中。前半歎衆顯無異念。後半結請。明說則斷疑。

云何了知諸佛地

云何觀察如來境

佛所加持無有邊

願示此法令清淨

云何是佛所行處

而以智慧能明入

佛力清淨廣無邊

爲諸菩薩應開示

云何廣大諸三昧

云何淨治無畏法

神通力用不可量

願隨衆生心樂說

諸佛法王如世主

所行自在無能制

及餘一切廣大法

爲利益故當開演

疏舉法請中分三初四述前初十句問。小有不次。但取文便。及餘一切廣大法者。結例所餘。謂二十句外。佛無邊德。亦願說之。不思議品廣說。餘門諸說果處。皆答此也。

佛眼云何無有量

耳鼻舌身亦復然

意無有量復云何

願示能知此方便

疏次一頌述前體相顯著十句。畧示可知

如諸刹海衆生海

法界所有安立海

及諸佛海亦無邊

願爲佛子咸開暢

永出思議衆度海

普入解脫方便海

所有一切法門海

此道場中願宣說

**疏**後二頌述化用普周十句之問。現文唯七。以佛海中。含於神變壽量名號。以此三海不離佛故。不問因者。長行明通諸會。故列因疑。今彰初分請。當會答。又顯此會因畧果廣。第二會果畧因廣故。

**論**問曰。大衆何不以言自問。而嘿念致疑。何不自以言讚勸請。而於供具雲。出音請佛。答曰。明佛得法界心。與一切衆生同心故。以心不異故。知彼心疑。供具說頌者。明一切法總法界體也。法界不思議。一切法不思議故。又明聖衆。心境無二故。凡夫

迷法界。自見心境有二。故顛倒生也。

○第二明光召有緣。文二。初長行。

爾時世尊。知諸菩薩心之所念。卽於面門衆齒之間。放佛刹微塵數光明。所謂衆寶華徧照光明。出種種音。莊嚴法界光明。垂布微妙雲光明。十方佛坐道場。現神變光明。一切寶燄雲蓋光明。充滿法界無礙光明。徧莊嚴一切佛刹光明。迴建立清淨金剛寶幢光明。普莊嚴菩薩衆會道場光明。妙音稱揚一切佛名號光明。如是等佛刹微塵數。一一復有佛刹微塵數光明。以爲眷屬。其光悉具衆妙寶色。普照十方各一。

億佛刹微塵數世界海。彼世界海諸菩薩衆。於光明中。各得見此華藏莊嚴世界海。以佛神力其光於彼一切菩薩衆會之前。而說頌言

〔疏〕初長行中文。共分爲十。一放光意。以領念故。供聲易了。故畧不明。念但疑法。何以放光。現相答故。答相云何。謂佛三昧力。加持放光。令菩薩來。遠遠能爲。此卽佛地境界。是佛所行無攝無畏故。此爲總意。若別別明者。如文思之。又召來菩薩。亦是言答上之十問。至文當知。二卽於下。明光依處。面門卽口。言衆齒者。表四十問。教道遐舒。口生眞子。咀

法滋味。益法身故。總處放者。此會總故。問者有四

十齒故。教道遐舒。即教智光。口生真干。唯取口義。

故法華云。從佛口生。從法化生。得佛法分。故下出。

現。加於普賢。光明入口。咀法味下。約齒明義。言三。

放佛下。顯光體。隨機多演故。四所謂下。列光明畧。

列十名。皆從體用立稱。五如是下。結光數。六一一。

下。彰眷屬。七其光下。辨色相。眾寶隱映。表教道含。

容。八普照下。明光應遠。九彼世界下。彼眾感通。十。

以佛下。偈聲命召。即通舉十號。示為所歸。即通舉

佛德無邊。十號畧盡。故法華第三云。我。是。如。來。應。

供。正。徧。知。明。行。足。善。逝。世。間。解。無。上。士。調。御。丈。夫。

天人師。佛世尊。未度者。令度。未解者。令解。未安者。令安。未涅槃者。令得涅槃。今世後世。如實知之。我。

是一切智者。一切見者。汝等天人阿修羅衆。皆應到此。爲聽法。故斯卽舉十號。以昭然。初但云。如來亦復如是。出現於世。如大雲起。徧覆三千大千世界。則通局有異。又下衆集。但云。天人阿修羅等。勝劣小異耳。今取彼意。故以十號釋經十號之義。法界品方辨。

○二偈頌

無量劫中修行海

供養十方諸佛海

化度一切衆生海

今成妙覺徧照尊

毛孔之中出化雲

光明普照於十方

應受化者咸開覺

令趣菩提淨無礙

佛昔往來諸趣中

教化成熟諸羣生

神通自在無邊量

一念皆令得解脫



摩尼妙寶菩提樹

種種莊嚴悉殊特

佛於其下成正覺

放大光明普威耀

大音震吼徧十方

普爲弘宣寂滅法

隨諸衆生心所樂

種種方便令開曉

徃修諸度皆圓滿

等於千刹微塵數

一切諸力悉已成

汝等應徃同瞻禮

**疏**十偈在文且分爲五初六偈自彰因果已圓勸

同觀禮於中初一總明二利因滿成正徧知次一

頌毛光開覺是明行足次一頌徃來諸趣是世間

解一念解脫可謂善逝次一頌成正覺卽佛義焉

次一大音演寂。謂無上士。隨心開覺。卽調御丈夫。次一諸力皆圓。卽天人師也。

十方佛子等刹塵。悉共歡喜而來集。

已雨諸雲爲供養。今在佛前專覲仰。

**疏**二有一頌。明衆海已集。引例勸歸。旣云已雨諸雲爲供。是應供也。爲對引例。故不當次。

如來一音無有量。能演契經深大海。

普雨妙法應羣心。彼兩足尊宜徃見。

**疏**三一頌。圓音隨機。見必蒙益。結云見兩足尊。卽世尊也。

三世諸佛所有願

菩提樹下皆宜說

一刹那中悉現前

汝可速詣如來所

〔疏〕四一頌義海頓演宜速及時。如三世佛大願而來。故結云如來也。

毗盧遮那大智海

面門舒光無不見

今待衆集將演音

汝可徃觀聞所說

〔疏〕五一頌特命有緣是光本意

〔論〕第二從爾時世尊知諸菩薩心之所念已下。有一段長行。并十偈頌。是如來放齒光十方告衆。令衆咸集現法答前所問。分於此分中。大意有十。一

如來知衆心念有疑。一齒光普照。二其光有十名。四明光具眷屬。五陳光色相。六明光照遠近。七明大衆蒙光彼此相見。八明光徧他方衆會。九明光能出聲告衆。十明十方之衆聞告咸來。問曰。何故如來面門齒間出光告衆。答曰。面門及齒。明言音出於中故。於中出光。今欲答衆所疑。普告十方佛土大衆來集。示法答前三十七問中。云何是諸佛地。佛境界。佛加持。佛行。佛力等。故須口中齒間放光。光者。除暗義。又答前云。何是佛光明。除現在未來衆心疑暗故。口齒者。吐納言音說法。表告之所。

由也。故於中出光。於此光明。說十行。頌於中大意。  
歎如來道滿利生。光明出音告衆。令集聞法。

建安當陽皈戒弟子陳大偉法名太福  
捐貲刊刻  
華嚴經如來現相品疏論纂要第十二  
卷追薦  
先考陳文緯妣徐氏魏氏頓脫冥途高  
登淨域同遊華藏共證菩提  
康熙己未年九月望日 華藏室謹題

大方廣佛華嚴經疏論纂要卷第十二

詹堦北刊